



## **Pwosè pou Machin yo Sezi (“Krimstock”) Nan OATH**

### **Règ fondamantal**

Lè NYPD fin sezi, oswa pran, yon machin nan kad yon krim yo di ki fèt, moun ki gen non li sou papye machin nan kòm mèt machin nan, oubyen moun ki t ap kondui machin lan nan moman yo sezi li an, gen dwa mande OATH pou li fè yo remèt li machin nan. Odyans pou detèmine si wi ou non yo te mèt remèt machin nan ap fèt nan Divizyon Pwosè OATH la epi li rele yon odyans “Krimstock”.

**Atansyon:** Moun k ap chèche pou yo remèt li machin nan **dwe swa** moun ki gen non li sou papye oswa sou tit machin nan kòm mèt machin nan, **swa** moun ki t ap kondui machin lan nan moman yo sezi li an. Se yon sèl nan moun sa yo sèlman ki gen dwa fè demann odyans OATH la, epi se mèt machin nan k ap jwenn preferans.

**Atansyon:** NYPD gen dwa entante yon pwosè nan Tribinal Eta New York la (separeman ak apa OATH) kont mèt machin nan pou kenbe machin nan nèt, menm si yo remèt machin nan pwovizwaman apre yon odyans “Krimstock” nan OATH. Sa rele yon pwosedi konfiskasyon.

### **Avi sou dwa a pwosè**

NYPD **dwe** remèt chofè a **nan moman arestasyon an** yon avi sou dwa a yon odyans OATH pou yo remèt machin nan (avi an andedan “Vehicle Seizure Form” (Fòmilè Sezi Machin nan)). NYPD **dwe** remèt menm avi an bay moun ki gen non li sou papye oswa sou tit machin nan kòm mèt machin nan **tou**, nan yon delè 5 jou ouvrab apre sezi machin nan. Si NYPD pa montre li remèt chofè a oswa mèt machin nan avi sa a, sa gen dwa yon defans ak yon rezon pou remèt machin nan.

### **Pwogramasyon odyans la**

NYPD **dwe** pwograme odyans OATH la nan yon delè 10 jou ouvrab apati de *lè li resevwa demann odyans la*. Pou fè demann nan, defandè a ka ranpli anba Fòmilè Sezi Machin nan.

Atansyon: Moun yo arete a, oswa mèt machin nan, gen dwa egzije yon deklarasyon ekri tou nan men biwo Pwokirè Distrik la, pou mande pou li montre poukisa kenbe machin nan nesèsè. Pwokirè Distrik la dwe bay yon repons ekri nan yon delè 7 jou apati de lè li resevwa demann sa a, epi li dwe chèche tou, pandan menm 7 jou sa yo, nan men Lakou Siprèm Eta New York (New York State Supreme Court), yon “lòd sezi” (yon desizyon tribinal ki otorize NYPD kenbe machin nan).

### **Sa NYPD dwe pwouve nan odyans “Krimstock” OATH la pou refize remèt machin nan**

- 1) Te gen “kont rezon pou sispèk” (apeprè menm bagay ak yon baz rezonab) pou fè arestasyon an.
- 2) Gen “anpil chans” pou NYPD genyen nan yon pwosè pou kenbe machin nan.
- 3) Li nesèsè pou kenbe machin nan poutèt si yo remèt li sa t ap kreye yon risk pou machin nan pèdi, pou yo vann li, detwi li *oswa* sa t ap yon risk pou sekirite piblik.

**Atansyon:** Pou refize remèt machin nan, NYPD **dwe** pwouve *toulè 3 bagay sa yo nan odyans “Krimstock” OATH la.*

**Atansyon:** “Kont rezon pou sispèk” la otomatik si ou te deklare tèt ou koupab pou akizasyon ki nan tribinal pou dosye kriminèl la.

## Defans posib

**“Mèt Machin Inosan”** – *Mèt machin nan* gen dwa chèche pou yo remèt li machin nan *si* mèt machin nan pa t ap kondui machin lan nan moman arestasyon ak sezi an, epi *si* mèt machin nan pa t ni otorize ni pèmèt itilizasyon machin nan pou komèt krim.

**Atansyon:** NYPD gen dwa eseye montre se chofè li arete a, olye de mèt machin ki sou papyè/tit machin nan, ki se mèt machin nan toutbon.

**“Lòt Mèt Machin Inosan”** – *Lòt mèt machin nan* gen dwa tou pou yo tandè yo nan yon odyans OATH sou sezi, epi pou yo mande pou yo remèt yo machin nan, *si* lòt mèt machin nan ka montre li pa t otorize ni pèmèt pou chofè machin nan sèvi avèk machin nan pou komèt krim.

**Atansyon:** Sa yo se sèlman de (2) defans posib. Si ou gen lòt defans, sa vle di, NYPD pa respekte nenpòt nan kondisyon legal ki pi wo la a, ou gen dwa fè chita pale sou sa avèk Jij OATH la nan odyans “Krimstock” OATH ou a.

**Pou pran randevou avèk yon moun nan Sant Èd (Help Center) OATH la, tanpri voye yon imèl pou nou avèk [Fòmilè Kontak sou Entènèt](#) sa a oswa rele nou nan (212) 436-0845 anvan konparisyon ki pwograme pou ou a nan OATH.**

**Bronx**  
260 E.161st Street, 6th FL  
Bronx, NY 10451

**Brooklyn**  
9 Bond Street, 7th FL  
Brooklyn, NY 11201

**Manhattan**  
66 John Street, 10th FL  
New York, NY 10038

**Queens**  
31-00 47th Avenue, 3rd FL  
Long Island City, NY 11101

**Staten Island**  
350 St. Marks Place, Main FL  
Staten Island, NY 10301